

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Nummotheca Principum Austriae

ex gazis Aulæ Caesareæ potissimum instructa, & aliunde aucta, quæ a prima ætate, qua in Austria cusa fuit moneta Sub Babenbergicæ Stirpis Marchionibus, Ad Usque Habsburgicæ Gentis Principes, Lineæ Hispano-Austriacæ, Huiusque Masculum Ultimum Carolum II. Regem Hispan.

Complectitur tabulas aeri incisas LI

Herrgott, Marquart

Friburgi Brisgoviae, 1752

[Text]

[urn:nbn:de:bsz:31-241470](https://nbn-resolving.org/urn:nbn:de:bsz:31-241470)

Tab.
XXVI.

cem æque ac monogramma CHRISTI recte exprimi potuisse. Porro a vero haud, opinor, multum declinabimus, si utrumque hunc nummum sub expeditionem Africanam, contra Mauros a CAROLO susceptam, cusos fuisse dicamus; ut innueret Imperator, se spem victoriæ in signo salutari collocare. *M. S. J. Vindob. M. S. B. a.*

XCIV.

Hic nummus a præcedenti in eo solummodo discernitur, quod inscriptioni partis adversæ addatur littera A. quæ A. *ugustus* legenda: & in averfa, loco VINCES, scriptum sit: VINCE. *VERG. l. c. p. 87. a.*

XC V.

CAROLVS. V. IM. *perator* RO. *manorum*. Caput Cæsaris coronatum, dextrorsum conversum, ad pectus cum toga: retro illud sigla R.

Posticam sequens inscriptio, quatuor lineis absoluta, quæ priori iungenda est, occupat: REX. ARAGO *num* VTRIVS. *que* SI. *cilia* ET. *catera*. Margo nummi rosis exornatur. *Id. p. 94. ar. val. unius Carol.*

XC VI.

CAROLVS. V. ROM. *anorum* IMP. *erator*. Caput Cæsaris corona radiata cinctum, & ad lævam conversum.

In averfa corona, cruce instructa, exhibetur, cum perigraphæ: † REX. ARAGO. *nia* VTRIVS. *que* SI. *cilia*. *Id. p. 87. a.*

TOM. II. P. I.
(a) loc. cit. p. 94.

XC VII.

Adversa huius nummi fere eadem est cum num. LXXXVIII. videtur tamen Imperator hic togatus esse, & ab eius humeris torques aurei velleris dependet.

In averfa aureum vellus a lauri ramis, in decussim positum, pendet, addita hac perigraphæ: R: *ex* ARAGO: *num* VTRIVS: *que* SICIL: *ia*.

Typum huius nummi VERGARA (a) quoque dedit, eiusque valorem uni *Carolino* æquat. Fere similem vulgavit quoque Cl. Auctor loculamenti III. ad recens aperta *Grossorum* scriptoria (b) eumque nominat *Realem Arragonicum*. In eo tantum differt, quod ille coronam domesticam, & post caput Cæsaris litteram K. præbeat, quæ, ut is autumat, nomen CAROLI repetere videtur. In epigraphæ porro averfæ, ibi in fine additum est: ET, quod is supplet per vocem: HIEROSOLYMARUM. *M. Imp. ar. pond. 1. drach.*

XC VIII.

Antica huius nummi pars, ut num. XCH. hic tamen fibula, vestis extremitatem circa collum nectens, capite humano conspicua est.

Postica quoque a præcedenti non multum differt. *VERG. l. c. p. 94. ar. val. 1. Carol.*

XC IX.

REX: ARAGO: *num* VTRIVS: *que* supple: SI. *cilia*. Vellus aureum, ut supra in nummis maioris moduli.

O 2
(b) p. 93. Tab. V. n. 43.

CAROLVS V. ROM. IMP. ET REX HISPANIÆ.

a

b

PLVS.

CAROLUS V. ROM. IMP. ET REX HISPANIÆ.

PLVS. VLTRA. Columnæ Herculis, uti sæpius vidimus.

Similem nummum habes in recens apertis *Grossorum* scriniis, loculamento supra citato (a).

a Ei Cl. Auctor præmittit alium typum, quem *Realem* vocat, & *Valentia* cufum esse autumat. Huius delineationem supplemus Tab. XLIX. num. 39.

CAROLVS. V. IMPERATOR ROMANOR. *um.* Suetæ Herculis columnæ, cum lemmate: PLVS VLTRA, iis imposita corona Imperialis.

HISPANIARVM. ET. VTRIVS- Q. *ue* SICILIÆ. REX. CRUX duplicata in lilia desinens, quæ sunt cooperta coronis Imperialibus. In margine, ante initium epigraphes, cernitur castellum, quod laudatus Auctor non pro tessera *Castiliæ* sed *Valentia* habet. *Id. loc. cit. ar. val. quarta pars Carolini, vulgo Cinquina. & G. C. loc. cit.*

MONETÆ MEDIOLANENSES.

C.

IMP. erator CAROLVS. V. AVG. *ustus.* Protome Cæsaris armata, capite laureato, & ad lævam converso.

S. AMBROSIUS, & S. AUGUSTINUS, quorum nomina in exergo leguntur, Pontificalibus induti: alter a fronte stans, dextra elata sin. pedum pastorale tenet: alter ex aduerso in genua procumbens, dextra elata, sin. libro femi aperto, iuxta quem alius codex iacet, incumbit, supervolitante SPIRITU SANCTO sub

(a) p. 94 Tab. V. n. 45.

(b) Antiq. Ital. med. ævi tom. II. diff. 27. col. 612.

columbæ specie. In ambitu legitur initium hymni, his duobus Sanctis Episcopis vulgo adscripti: TE. DEVM. LAVDAMVS.

Huius nummi typum in ligno exscalptum edidit quoque Cl. MURATORIUS (b) una cum tribus aliis, quorum ectypa paullo post proferemus. *M. S. B. au. obductus.*

CI.

CAROLVS. V. IMPERATOR. Protome CAROLI armata, capite nudo, ad lævam converso, cum Ordinis aurei velleris tessera.

Typus civitatis Mediolanensis, advolitante e nubibus angelo, gladium ferente, qualem nempe DAVIDI iuxta aream *Arcuna*, seu *Ornan* JEBUSÆI, cum pestilentia in populum eius grassaretur, oblatum fuisse, sacra littera memorant (c). inferne iuxta mœnia civitatis, quatuor viri nudi, peste infecti, iacent, addita perigraphæ: ET INDE SALVS VIVE MEDIO- L. *anum!*

Pestis Mediolani anno 1576. sæviit, quo CAROLUS Augustus iam in annum decimum & octavum inter mortuos erat. Quod igitur huic nummo eius effigies impressa sit, id exemplo civitatum Imperialium factum fuisse censendum est, quæ Imperatorum effigies nummis suis consignare consueverunt. Cum enim, post mortem FRANCISCI *Sfortia* Ducatus Mediolanensis ad CAROLUM devolveretur, is anno 1549. PHILIPPUM filium suum ea lege in eius locum

inau-

(c) II. Reg. XXIV. 16. & I. Paralip. XXI. 16.

Tab. XXVL

b

c

Tab. XXVI.

inauguravit: ut tamen Imperii iura sibi suisque successoribus facta tecta esse voluerit (a). Verum tamen id ipsum haud diu observatum est a Mediolanensibus; cum, ut in consequentibus videbimus, mature secutorum Regum Hispaniæ effigies nummis suis imprimere cœperint. Quod si vero hæc opinio minus arrideat, dici poterit: duas diversas nummorum partes in unum conflatas fuisse; præsertim cum nummus fusus sit, non cusus. *M. Imp. ar. fuf. pond. 2. unc. minus drach. 1.*

CII.

IMP. erator CAES. ar CAROLVS. V. AVGVSTVS. Protome CAROLI fere ut num. LXXIX. est tamen ad lævam conversa.

Figura muliebris stolata & velata, media inter duas thoraces & terminum, sellæ insidens, pateram effundit, adscripto in segmento titulo: PIETAS. & in ambitu: s. enatus p. opulus Q. ue MEDIOL. anensis OPTIMO. PRINCIPI.

Nummus a Mediolanensibus CAROLI pietati, quam forte inter bellicos motus ostendebat, dicatus. Edidit eundem quoque, ligno incisum, Cl. MURATORIUS (b). *M. Imp. pond. 2. drach. M. S. B. pl.*

CIII.

IMP. erator CAES. ar CAROLVS. V. AVGVSTVS. Caput Cæsaris laureatum, & ad lævam conversum, ad pectus, cum lorica.

Posticam hæc inscriptio, quinque lineis expressa, & coronæ

(a) Aurea super hac re Bulla videri potest apud LUNIG. P. spec. Cont. I. Fortéz. I. Abf. V. p. 22. & apud DUMONT Corps diplomat. an. 1579. p. m. 334

querneæ, seu civicæ, inclusa, occupat: OB INSVBRIAM SERVATAM. CAROLVS V. ROM. IMP. ET REX HISPANIÆ.

Referri quidem hic nummus posset ad annum 1529. quo ANTONIUS LEVA Francos iuxta *Landrianum* prælio victos, eorumque Duce fani D. PAULI comite, cum plerisque Præfectis, cumque omnibus impedimentis & tormentis capto, Ducatum Mediolanensem deserere, inque Franciam redire coegit, sicque INSVBRIAM auspiciis Cæsaris servavit (c). Verum cum oris habitus (quod quidem nunc primum animadverto) Cæsarem ætate aliquanto proventiorem sistat, statuendum potius videtur, eum post añum 1540. cusum esse; quo Cæsar PHILIPPUM filium Ducatu Mediolanensi, qui FRANCISCO *Sfortia* anno 1535. sine prole decedente, ad Imperium redierat, investivit, sicque *Insubriam*, ab invasione FRANCISCI I. Gallorum Regis defensam, sibi atque Imperio servavit (d). *M. Imp. ar. deau. pond. semidrach.*

CIV.

CAROLVS. V. IMPERATOR. Protome Cæsaris armata, capite laureato, & ad lævam converso, cum Ordinis aurei velleris insigni.

Sanctus AMBROSIVS stans a fronte, dextra ferulam tenet, sin. pedo adnititur, circumscripto eius nomine: SANCTVS. AMBROSIVS. & in segmento. M L M id est: *Mediolanum*. Hunc quoque nummum laudatus

(b) Loc. cit.
(c) Vid. sæpe laud. STRUV. Per. X. p. 1006. §. XXXIV.
(d) Id. pag. 1024. §. LIII. seqq.

CAROLUS V. ROM. IMP. ET REX HISPANIE. datus MURATORIIUS *loc. cit. col. 612. ex arg. edidit.*

CV.

CAROLVS. V. IMP. *erator.* Duæ columnæ Herculeæ, circum volitante scheda: in vertice diadema Imperiale.

s. *anctus* AMBROSIVS. ut in præcedenti typo, mitratus, cum casula, ferula & baculo pastorali. *Idem* MURAT. *loc. cit.*

CVI.

CAROLVS. V. IMPERATOR. Caput Cæsaris coronatum, dextrorsum respiciens.

Columnæ Herculeæ, frondibus lauri cinctæ: in medio æra Christi MDXXX. In dubio manet, an moneta hæc in Belgio, an vero in Italia, an alibi cusa sit? *M. S. B. a.*

CVII.

CAROLVS. V. ROM. *anorum* IMP. *erator* SEMP. *er* AVGVSTO. Protome Cæsaris, fere ut num. CIV. omittitur tamen hic Ordinis aurei velleris symbolum.

AEQVITAS. 50. Figura muliebris stolata stans a fronte, dextra bilancem tenens, sin. palmæ ramum. Aequitatis, quæ omnia moderatur, typus. In antiquo ære æquitas sub hoc schemate frequenter occurrit, cum hoc tamen discrimine, quod ibi loco rami ex palmis, vel hastam puram, vel cornucopiæ, vel denique ulnam, sive perticam mensuriam teneat. *Æquitate ac iustitia* se regna sua constituisse testatur CAROLUS ipse apud SCHARDIUM (a).

An numerus Arabicus 50. Christi æram, annum nimirum quinquagesimum supra MD. denotet? divinent alii: nec con-

(a) Tom. III. pag. 1899.

stat, in quo loco moneta hæc sit signata. *M. S. B. a.* Tab. XXVI

Hic tandem typos monetarum varii generis, imperante CAROLO V. in diversis regnis ac provinciis percussos, describendo finem facimus, & ad exponendos numos Historicos MARIE eiusdem Sororis, ac prolium Cæsaris, nos accingimus: ad extremum typos aliquot ad Historiam CAROLI facientes addituri. Prius tamen nummum unicum, effigie ELEONORÆ, itidem sororis CAROLI natu maioris, conspicuum, obiter recensebimus. Hunc ex tabulis HERÆI ductum, in supplementis nostris Tab. XLIX. n. 47. delineatum vides.

Protome ELEONORÆ a fronte cum tunica replicata: capite, ut videtur, velato, addita perigraphæ: ELEONORA. REGINA. H. S. *orror* CAROLI. V. ROM. *anorum* IMP. *eratoris*, in qua inscriptione, sigla H. haud dubie in mendo cubat: nec expeditum adeo est, quo pacto vera lectio restituti possit. Cum enim ELEONORA primum EMANUELI Portugalliæ, dein FRANCISCO I. Francorum Regi matrimonio iuncta fuerit: in ambiguo est, num elementum P vel F (nam alterutrum eligendum erit) id est P. *ortugallia* vel F. *rancia* substitui debeat. Attentis tamen vultus lineamentis, REGINA F. *rancia* legi oportere videtur; quippe, quod ELEONORA post mortem primi coniugis annum ætatis secundum & vicesimum duntaxat ageret: in præsentem autem numo eo aspectu, qualem post mortem alterius mariti; utpote tum ætate iam proveciori, depicta sit. *M. S. B. & T. H.*

MARIA

Tab.
XXVI.

MARIA

CAROLI V. SOROR,

REGINA HUNGARIÆ

ET

BOHEMIÆ.

BREVIARIUM VITÆ EX NUMMIS.

MARIA PHILIPPI *Austriaci* Regis Hispaniæ filia (111.)
CAROLI V. & FERDINANDI I. Imp. soror (109. 110.)
Bruxellis anno Domini 1505. orta est.

Annos nata haud plures quam decem, MAXIMILIANI avi
cura, LUDOVICO (108.) Hungariæ & Bohemiæ Regio Principi,
novem tum vitæ annos numeranti, desponsata (in MAXIMIL.
Tab. XII. num. 31.), nuptias cum eodem LINCII anno 1521.
celebravit. His vero anno 1526. Rege in prælio cum Turcis
apud *Mohazium* infeliciter occumbente, dissolutis, facta vidua
(109.) eius status molestias cum forti tum christiano animo
pertulit (110).

Exinde a CAROLO fratre ad Belgii præfecturam gerendam
anno 1530. evocata, provinciam sibi commissam singulari cum
prudencia, ac ingenti omnium favore atque benevolentia admi-
nistravit (111.).

Qua demum fratris exemplo, ut pridem optaverat, abdi-
cata, (111. in not.) cumque eodem in Hispaniam profecta, re-
liquum vitæ in monasterio sancte traducens, anno 1558. men-
se Octobri pie & catholice obiit: fœmina cum animi robore,
tum iustitiæ, atque consilii laude supra sexus sui conditionem
multo præstantissima. Conf. ISTHUANFIUS *Hist. Hung. Pontus*
HEUTERUS *in reb. Belg. cæ.*

CVIII.

Protome LUDOVICI II. Re-
gis Hungariæ, togati & torque
aurei velleris ornati, cum my-
stace & promissa barba, capite
pileato & ad lævam converso.
Additur antrorsum in area nota
chronologica M. D. XXVI absque
alia inscriptione.

In altera facie, protome
MARIE coniugis eius, cum sin-
gulari capitis tegumento, de-

pendente ex humeris torque,
ex unionibus contexta, &
gemma pretiosa instructa: repe-
tita eadem nota temporis.

Hoc anno, qui in nummo
istto iconico signatus est, Lu-
dovicus in prælio contra Tur-
cas apud *Mohaz* occubuit. In
eius rei memoriam cusus fuit
nummus minoris moduli, pon-
deris uncie unius, dempta ses-
qui drachma, cuius exemplum
auro obductum in scriniis no-
stris

MARIA
CAROLI
V. SO-
ROR,
REGINA
HUNG.
ET BO-
HEMIAE.

stris asservamus. Adversa illius pars easdem effigies, se invicem intuentes, refert, quæ in typis a nobis delineatis singillatim videntur; in averfa exhibetur prælium, in quo LUDOVICUS Rex strenue quidem, sed infeliciter pugnans, in fuga interiit, additis in utraque parte inscriptionibus. Editionem huius nummi amicis meis viris doctissimis relinquo, qui collectiones nummorum *Hungariae & Bohemiae* magna solertia typis parant.

Cæterum nemini mirum videatur, quod Princeps, qui vicesimo ætatis anno diem obiit, ut vir profectæ ætatis cum promissa barba, ac pleno & robusto ore, in nummo nostro, qui veram eius effigiem referre debeat, repræsentetur; quippe cum satis constet, eidem omnia præter solitum naturæ cursum obtigisse, eumque ante tempus consenuisse. Audiatur de illo SAMBUCUS (a): *Fuit LUDOVICUS corpore valido, colore sano, & subsusco, ad quævis natus solatia, largus, nemini molestus, sed sine extrema cute, quam epidermida vocant, editus, arteque & inunctionibus eo producta, vel adolescens canos aliquot alebat capillos. M. Imp. in ar. & marmore albo. T. H.*

CIX.

MARIA. HVN. *garia* BO. *hemie* RE. *gina* CAROLI. V. IMP. *erato-*ris SOROR. Protome MARIE adversa fronte, & nonnihil ad levam vergente, in stola pellicea replicata, velato capite.

(a) In append. ad BONFINII res

Nummum hunc edidit quoque Cl. HERÆUS in suis tabulis, sed, pro more suo, circulos ac orbes typo addidit, ut eum magnitudine æqualem redderet illi, quem, significandæ adfinitatis gratia, adiunxit.

Ex velo, quo caput obtectum est, discimus: nummum post mortem LUDOVICI signatum fuisse, quippe quod illud, ut notum est, viduitatis signum sit. *M. Imp. ar. pond. 3. drach. fus. & ibid. cus. ar. pond. semiunc.*

CX.

MARIA. REGINA. VNG. *aria* VIDVA. CAROLI. CESA. *ris* ET. FERDI. *nandi* SOR. *or.* Caput Reginae velatum, ad medium pectus, in toga pellicea replicata: a dextris sinistrorsum.

In postica mulier seminuda sparsis capillis, humi sedens, signum salutare, quod ei Angelus, e nubibus advolitans, ostendit, vultu ad luctum composito intuetur: patientiæ symbolum, in CHRISTI Domini exemplo fundatum; additur enim perigraphæ: † IN. PACIENCIA. POSSIDEBITIS. ANIMAS. VESTRAS. LVCE. XXI.

Sæpe laudatus KOEHLERUS hunc nummum primus, quoad sciam, edidit, eique epistolam quandam, qua LUTHERUS quatuor Psalmos, in linguam germanicam a se translatos, Reginae nostræ dedicat, occasionem dedisse auguratur: quasi vero LUTHERUS patientiam, aut solus, aut primus suaserit! Plenæ sunt sacræ paginae, pleni quo-

Hung. p. 754.

Tab.
XXVI.

Tab. XXVI.

quoque sanctorum Patrum, aliorumque piorum hominum libri, patientiæ hortamentis, ut ad hunc parturiendum nummum LUTHERI ingenio opus haud fuerit. Eiusdem commatis est, quod de piissima Regina dicit: eam LUTHERI dogmata haud omnino respuisse, cum tamen plane constet, eam in Catholica fide non solum constanter permansisse, sed & extremos vitæ annos in Monasterio *Cicales*, quod ipse Cl. KOEHLERUS non abnuit, pie & sancte traductos, finiisse. KOEHL. *m. b. l. P. v. p. 313. au. pond. 6. duc.*

In averfa navis, contractis in tranquillo mari velis, luce, imminenti directe solis, illustrata. Additur in ambitu hemistichium: HIS. DEVS. OCIA. FECIT. MARIA CAROLI V. SOROR, REGINA HUNG. ET BOHEMIÆ.

MARIA Belgii præfectura & pacis & belli temporibus, summa cum virtute & laude quinque & viginti annos gesta, civium omnium ita sibi adiunxit benevolentiam, ut illi grati animi monumentum hocce nummo extare voluerint. Verum cum typus huius nummi ex STRADA (a) desumptus sit, nec alibi hucusque visus: vereor, ut apud eruditos sublestæ sit fidei.

CXI.

MARIA. REGINA. HVNG. BOH. emia z. (et cetera) LVDOV. VICI VXOR. PHIL. IPPY REG. IS HISP. aniarum FILIA. Protome MARIE fere ut num. CVIII. sinistrorsum versa.

Alius minoris moduli prodiit nummus, cum MARIA Belgii regimen PHILIPPO, CAROLI filio cederet, cuius typum Tab. XXX. num. VIII. dabimus. *V. L. T. I. p. 5.*

PROLES
CAROLI V.

BREVIARIUM VITÆ IOANNÆ ET MARIE, NEC NON MARGARITÆ ET IOANNIS AB AUSTRIA EX NUMMIS.

Tab. XXVII. seqq.

IOANNA CAROLI V. Imp. filia (112. 113.) IOHANNI, designato Lusitanæ Regi, nupta (112.), eidem, matrimonio non infœcundo, (113.) SEBASTIANUM genuit. Sed marito præmature vivis erepto, in Hispaniam rediens, PHILIPPO fratre apud Belgas degente, regnum una cum CAROLO Principe aliquamdiu summa cum laude administravit, diemque extremum anno 1587. feliciter clausit. SCHÖNLEBEN in *Ephem.* SCHARD. *epitom. rer. sub FERDINANDO I. gestar. Tom. III. cat.*

MARIA CAROLI V. filia (115-123.) altera, XXI. Junii 1528. lucem aspexit. Prima ætate in Hispania exacta, atque TOM. II. P. I. P exin.

(*) *Geneal. Austr. p. 485.*

PROLES
CARO-
LI V. exinde MAXIMILIANO II. (115.) postea Romanorum Imperatori iuncta, anno 1562. Bohemix (116.), ac anno insequenti Regina Hungariæ (115.), una cum marito, coronata fuit. Quo, anno 1582. defuncto, facta vidua (120. 121.) cum filia MARGARETA in Hispanias remigrans, atque in cœnobio Madritensi, inter discalceatas sanctimoniales, religiosam sanctamque vitam ducens, die XXVI. Febr. anno. 1603. terrenas coronas cum cœlesti, ut quidem diu optabat, sperabatque (119.) commutavit. SCHÖNLEBEN *Ephem.* KEVENHÜLLER *Annal.* FERDINAND. *cat.*

Tab.
XXVII.

MARGARITA quæ & MARGARETA (129-139.) CAROLO V. Imp. (126. 140. 141.) ex contubernio anno 1522. nata, atque ab Imperatoris sorore MARIA in Belgio educata, primis nuptiis ALEXANDRO *de Medicis* Florentiæ, deinde OCTAVIO FARNESIO, Parmæ & Placentiæ Duci (128-131.) elocata fuit. Hæc a PHILIPPO Hispaniarum Rege anno 1559. Belgio præfecta, (132. 133.) eam provinciam cum ingenti in Regem fide (139.), tum non minori circumspectione atque prudentia moderata est: atque inter cætera præclare gesta, rebellionem, ob S. Inquisitionis officium exortam, anno 1567. compescuit (134-138.) provinciamque feliciter pacavit (140.) Mox tamen regiminis pertæsa, illoque eodem adhuc anno mœrentibus Belgis (141.) abdicato, Parmam ad coniugem se recepit, ubi reliquum vitæ tranquille & placide transigens, anno 1586. diem supremum obiit: Fœmina cum multis titulis, tum ex eo quoque laude digna, quod ALEXANDRUM, famigeratissimum illum Belgii moderatorem, atque Belliducem suæ ætatis summum (cuius nos imaginem Tab. XXXVI. num. CXXXIV. proferemus) genuerit. STRADA *de Bello Belg. alii.*

IOANNES ab *Austria* CAROLI V. filius (142-144.) Ratisbonæ ex BARBARA *Blombergia* seu potius ex illustriori, ac plane Principe fœmina anno 1547. (142.) natus est. Prima ætate in Hispaniam ductus, ac biennio post mortem patris, in Aulam receptus Regiam, bellicas artes, ad quas suapte natura factus videbatur, brevi ita didicit, ut præclaris primum specimenibus editis, numerosæ classi, quæ ex fœdere, inter summum Pontificem, PHILIPPUM II. Regem Hispaniæ, & Venetos inito, contra Turcas, anno 1571. missa est, præfectus, eosdem prælio navali, post hominum memoriam maximo, ad *Naupactum* superatos, internecone deleverit (142.), ac biennio post, cum classe centum navium in Africam traiciens, ingentes quoque ibidem progressus fecerit. (143. 144.) Inde a fratre Rege Germaniæ Inferiori regundæ destinatus, inter reliqua fortiter ac strenue acta, Belgas rebellantes ad *Gemblacum* insigni victoria victos oppressit (145.) dux sui temporis celeberrimus. Sed fatis præventus, in flore ætatis obiit in Belgio, non sine veneni suspitione, anno ætatis primo & tricesimo. LETI *la vie de PHILIPPE II. Roi d'Espagne.* STRADA *l. c.*

JOAN-

operatori
enti Re.
Quo
cum fili
bio Me
ctampe
corona
mmun-
no. ce.
) Co.
1522
ducati,
e Octi-
elocaz
Belgio
gem file
moderata
b S. In
(138)
egimini
(141.)
in vitz
obit:
digna,
orem,
n Tab.
de Bel.
(144)
ri, ac
Pri-
patris,
natura
a speci-
mmum
i into,
n pre-
pactum
post,
s quo-
fratre
fortiter
victoria
ed fitis
aspic-
Il. Roi
AN-